

**UJEDINJENE  
NACIJE**



---

Međunarodni sud za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine	Predmet br. Datum: Original:	IT-08-91-T 27. avgust 2012. engleski
--	------------------------------------	--

---

**PRED PRETRESNIM VIJEĆEM II**

**U sastavu:** sudija Burton Hall, predsjedavajući  
sudija Guy Delvoie  
sudija Frederik Harhoff

**Sekretar:** g. John Hocking

**Odluka od:** 27. avgusta 2012.

**TUŽILAC**

**protiv**

**MIĆE STANIŠIĆA I STOJANA ŽUPLJANINA**

**JAVNO**

---

**ODLUKA KOJOM SE ODOBRAVA ZAHTJEV MIĆE STANIŠIĆA ZA PRODUŽENJE  
PRIVREMENOG BORA VKA NA SLOBODI**

---

**Tužilaštvo**

gđa Joanna Korner  
g. Thomas Hannis

**Vlada Republike Srbije**

putem Ambasade Republike Srbije u Kraljevini  
Nizozemskoj, Haag

**Vlada Kraljevine Nizozemske**

**Branio ci optuženih:**

g. Slobodan Zečević i g. Slobodan Cvijetić za Miću Stanišića  
g. Dragan Krgović i g. Aleksandar Aleksić za Stojana Župljanina

## I. UVOD

1. Pretresno vijeće II (dalje u tekstu: Pretresno vijeće) Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud) rješava po "Zahtjevu Miće Stanišića za produženje privremenog boravka na slobodi", koji je odbrana Miće Stanišića (dalje u tekstu: odbrana), podnijela 8. avgusta 2012. godine (dalje u tekstu: Zahtjev).

2. Svojom Odlukom od 6. juna 2012. godine, Pretresno vijeće je Mići Stanišiću odobrilo privremeni boravak na slobodi u trajanju od tri kalendarska mjeseca, konkretno navodeći da će prije isteka tog perioda Stanišić imati pravo da podnese zahtjev za produženje svog privremenog boravka na slobodi u skladu s procedurom koju je odredilo Vijeće.<sup>1</sup>

## II ARGUMENTACIJA

3. Odbrana traži da Pretresno vijeće produži period Stanišićevog privremenog boravka na slobodi pod uslovima određenim za njegov sadašnji privremeni boravak na slobodi.<sup>2</sup> U prilog svom zahtjevu, odbrana tvrdi da (i) okolnosti ovoga predmeta se nisu promijenile od kada je Pretresno vijeće odobrilo Mići Stanišiću privremeni boravak na slobodi 6. juna 2012. godine; (ii) ne postoji rizik bijega Stanišića i on ne predstavlja opasnost ni za jednu žrtvu, svjedoka ili drugu osobu u okviru značenja pravila 65(B); i (iii) Stanišić je poštovao odredbe i uslove svog privremenog boravka na slobodi.<sup>3</sup>

4. Tužilaštvo je odgovor podnijelo 21. avgusta 2012. godine.<sup>4</sup> Međutim, Pretresno vijeće napominje da je svojom Odlukom od 6. juna 2012. godine odredilo da je rok za odgovor na novi zahtjev za produženje privremenog boravka na slobodi bio sedam dana. Stoga, odgovor tužilaštva nije podnjet u skladu s Odlukom i neće biti razmatran.<sup>5</sup>

## III. MJERODAVNO PRAVO

5. Pretresno vijeće ima u vidu da se "ista pravna načela koja se primjenjuju na zahtjeve za privremeno puštanje na slobodu primjenjuju, *mutatis mutandis*, i na zahtjeve za produženje

---

<sup>1</sup> Odluka kojom se odobrava Zahtjev Miće Stanišića za privremeno puštanje na slobodu, 6. juni 2012. godine, par. 27 (dalje u tekstu: Odluka od 6. juna 2012.).

<sup>2</sup> Zahtjev, par. 3.

<sup>3</sup> *Ibid.*, par. 4.

<sup>4</sup> Odgovor tužilaštva na zahtjev Miće Stanišića za produženje privremenog boravka na slobodi, 21. avgust 2012. godine.

<sup>5</sup> Odluka od 6. juna 2012. godine, Dodatak I, par. 3.

Prijevod

privremenog boravka na slobodi".<sup>6</sup> Svaki zahtjev za privremeno puštanje na slobodu ili produžetak istog mora biti procijenjen *de novo* na osnovu merituma i u kontekstu okolnosti koje postoje u trenutku donošenja odluke.

6. Mjerodavno pravo u vezi s privremenim boravkom na slobodi detaljno je iznijeto u odluci ovog Pretresnog vijeća kojom je Mići Stanišiću odobren privremeni boravak na slobodi 18. novembra 2011. godine i ne treba ga ovdje ponavljati.<sup>7</sup>

#### IV. DISKUSIJA

7. Na osnovu svog diskrecionog prava, Pretresno vijeće je 6. juna 2012. godine Mići Stanišiću odobrilo privremeni boravak na slobodi.<sup>8</sup>

8. Pretresno vijeće podsjeća na garancije Republike Srbije (dalje u tekstu: Srbija) koje je podnijela odbrana u prilog svom zahtjevu za sadašnji privremeni boravak Stanišića na slobodi, a kojima je Srbija preuzela obavezu da se pridržava svih naloga Pretresnog vijeća "da bi se optuženi u svakom trenutku pojavio pred Međunarodnim sudom".<sup>9</sup>

9. Kada je u pitanju njegov tekući privremeni boravak na slobodi, Vijeće je primilo periodične izvještaje od srpskog Ministarstva unutrašnjih poslova o mjerama preduzetim na osnovu Odluke Pretresnog vijeća o privremenom boravku na slobodi Miće Stanišića, a kojima je Ministarstvo obavještavalo da je Stanišić poštovao odredbe i uslove koji su mu određeni.<sup>10</sup>

10. Pretresno vijeće ima u vidu da se Stanišić dobrovoljno predao Međunarodnom sudu 2005. godine i da je od tada osam puta privremeno puštan na slobodu.<sup>11</sup> Stanišić se do sada pridržavao

<sup>6</sup> V. *Tužilac protiv Jadranka Prlića i drugih*, predmet br. IT-04-74-AR65.31, Odluka po žalbi tužilaštva na Odluku o dodatnom produženju privremenog boravka na slobodi Jadranka Prlića", 23. april 2012. godine, par. 23.

<sup>7</sup> Odluka kojom se odobrava zahtjev Miće Stanišića za privremeno puštanje na slobodu, 18. novembar 2011. godine, par. 11-13.

<sup>8</sup> Odluka od 6. juna 2012. godine.

<sup>9</sup> Zahtjev g. Stanišića za privremeno puštanje na slobodu, 27. april 2012. godine, Povjerljivi dodatak B, str. 2, naglask dodat.

<sup>10</sup> V. Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. godine u vezi s privremenim puštanjem na slobodu optuženog Miće Stanišića u periodu od 27. jula i 6. avgusta 2012. godine, IT-08-91-T, D18222-D18221, 15. avgust 2012. godine; Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. godine u vezi s privremenim puštanjem na slobodu optuženog Miće Stanišića u periodu od 10. jula 2012. godine do 23. jula 2012. godine, IT-08-91-T, D18213-D8212, 30. jului 2012. godine; Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. godine u vezi s privremenim puštanjem na slobodu optuženog Miće Stanišića u periodu od 26. juna 2012. godine do 9. jula 2012. godine, D18179-D18178, 17. juli 2012. godine; i Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. godine u vezi s privremenim puštanjem na slobodu optuženog Miće Stanišića u periodu od 11. juna 2012. godine do 25. juna 2012. godine, IT-08-91, D17198-1D17197, 2. juli 2012. godine

<sup>11</sup> Odluka od 6. juna 2012. godine; Odluka kojom se odobrava zahtjev Miće Stanišića za privremeno puštanje na slobodu, 18. novembar 2011. godine; Odluka kojom se odobrava zahtjev Miće Stanišića za privremeno puštanje na slobodu tokom zimskog sudskog raspusta, 3. decembar 2010. godine; Odluka kojom se odobrava zahtjev Miće Stanišića za privremeno puštanje na slobodu tokom ljetnog sudskog raspusta, 16. juli 2010. godine; Odluka kojom se odobrava zahtjev g. Stanišića za privremeno puštanje na

*Prijevod*

uslova koji su mu određivani kada je privremeno puštan na slobodu i u svakoj prilici se vratio u Pritvorsku jedinicu Međunarodnog suda kada mu je to bilo naloženo.

11. Pretresno vijeće nema razloga da sumnja da će Stanišić prestati da se pridržava tih uslova ukoliko mu se odobri predmetni zahtjev za produženje privremenog boravka na slobodi.

12. Pored toga, Pretresno vijeće podsjeća na stroge mjere koje su određene Mići Stanišiću tokom tekućeg privremenog boravka na slobodi koje, između ostalog, imaju za cilj da eliminiraju bilo kakav negativni efekat na žrtve i svjedoke. Od Odluke Pretresnog vijeća od 6. juna 2012. godine nije bilo novog razvoja koji bi Pretresno vijeće naveo da izmijeni prethodnu procjenu da Stanišić ne predstavlja opasnost po svjedoke, žrtve ili neku drugu osobu. Svojom Odlukom od 6. juna 2012. godine, Pretresno vijeće je također smatralo da ne postoji rizik bijega Miće Stanišića. Vijeću nije ukazano ni na kakve događaje koji bi Vijeću dali razlog da u ovom trenutku dođe do suprotnog zaključka. Pretresno vijeće je stoga utvrdilo da su ispunjene odredbe pravila 65(B) i iskoristiće svoje diskreciono pravo produženja Stanišićevog privremenog boravka na slobodi.

13. Što se tiče dužine njegovog privremenog boravka na slobodi, Vijeće podsjeća na svoj prethodni zaključak da ne smatra primjerenim da se Mići Stanišiću odobri privremeni boravak na slobodi na neodređeno vrijeme.<sup>12</sup> U sadašnjim okolnostima, Pretresno vijeće smatra da Stanišićev privremeni boravak na slobodi treba produžiti za tri mjeseca.

14. Prije isteka ovog produženog perioda privremenog boravka na slobodi, optuženi može zatražiti dalje produženje svog privremenog boravka na slobodi u skladu s postupkom navedenim u Dodatku I Odluci od 6. juna 2012. godine. Na osnovu takvog zahtjeva, Vijeće će ponovo procijeniti da li su ispunjeni zahtjevi iz pravila 65(B) Pravilnika.

## V. DISPOZITIV

15. Iz gorenavedenih razloga i na osnovu pravila 65 i 126*bis* Pravilnika, Vijeće:

**ODOBRAVA** Zahtjev;

---

slobodu tokom zimskog sudskog raspusta, 11. decembar 2009. godine; Nalog kojim se odobrava da se nastavi privremeni boravak na slobodi, 12. juni 2009. godine; Nalog kojim se odobrava nastavak privremenog boravka na slobodi, 10. juli 2008. godine; i *Tužilac protiv Miće Stanišića*, predmet br. IT-04-79-PT, Odluka po Zahtjevu Miće Stanišića za privremeno puštanje na slobodu, 19. juli 2005. godine.

<sup>12</sup> Odluka od 6. juna 2012. godine, par. 26.

*Prijevod*

**ODLUČUJE** da produži period privremenog boravka na slobodi Miće Stanišića od 6. septembra 2012. godine, kada ističe prethodni odobreni period privremenog boravka na slobodi, do 6. decembra 2012. godine;

**ODLUČUJE** da uslovi koji važe za tekući privremeni boravak na slobodi Miće Stanišića, kako su navedeni u Odluci od 6. juna 2012. godine i dalje ostaju na snazi *mutatis mutandis* za period produžetka odobrenog ovom odlukom.

Sastavljeno na engleskom i francuskom jeziku, pri čemu je mjerodavna engleska verzija.

/potpis na originalu/  
sudija Burton Hall,  
predsjedavajući

Dana 27. avgusta 2012. godine

U Haagu,

Nizozemska

**[pečat Međunarodnog suda]**